


# Jerry u rhandza ku hlaya




Jerry N'wanhutlwa u tshama  
entangeni wa swiharhi.

Namuntlha Jerry u vonile  
xinhwanyetana xi ri karhi xi hlaya  
buku emahlweni ka kheji ya yena.

"Buku leyi yi languteka yi tsakisa  
swinene. Ndzi navela wonge ndzi  
nga kota ku ya elayiburari ndzi ya  
kuma tibuku," ku vula Jerry.




Jerry N'wanhutlwa u tsutsuma a  
baleka entangeni wa swiharhi. U  
ya elayiburari.




“Ndzi navela wonge ndzi nga  
nghena endzeni ka layiburari ndzi  
hlaya buku,” a vula.

# LAYIBURARI



U hlometela hi fasitere kutani a  
hlaya buku ya Jabu.

"Buku liya ya swibamubamu yi  
languteka yi tsakisa," a ehleketa.




U hlometela hi fasitere kutani a  
hlaya buku ya Anna.

"Buku liya ya switori na yona yi  
languteka yi tsakisa," a ehleketa.




U hlometela hi fasitere kutani a  
hlaya buku ya Bongi.

“Buku liya ya swa ku sweka na  
yona yi languteka yi tsakisa,”  
Jerry a ehleketa.




U hlometela hi fasitere kutani a  
vona mulayiburari a wisa buku.

Wansati wa mulayiburari u fonela  
murindzi wa ntanga wa swiharhi  
leswaku a ta landza Jerry.




E-e, Nkulukumba N'wanhutlwa,  
u fanele ku tlhelela entangeni wa  
swiharhi.



Ha ku amukela nakambe  
entangeni wa swiharhi Jerry  
N'wanhutlwa. Hi ta ku tisela  
tibuku ta layiburari vhiki rin'wana  
na rin'wana.

## Tibuku ta hlamarisa!






# Yimbelelani!

## Ndzi tiva Nhutlwā

(Yimbelelani hi chuni ya: "On Top of Old Smokey")

Ndzi tiva nhutlwā,  
ya nhamu yo ya henhlā swinene.  
Ya yi tsanyusa yi tlhela yi yi tsanyusa,  
yi kala yi fika xibakabakeni.  
Yi tshama etimbaleni,  
kun'we na tindlopfu.  
Un ga kota ku yi vona,  
loko u ya ezoo.





## Nhutlwa

Nhutlwa i xiharhi xo leha ngopfu eka swiharhi leswi hanyaka etikweni naswona yi dya matluka ya le mirhini. Tinhutlwa ti na tinhamu to leha na mincila. Marimi ya tona ya lehile lero ti nga kota no tinantswa tindleve.






# Migungiriko ya ku hlaya hi mitlawa



I

Languta swifaniso. Hlamusela munghana wa wena leswi humevelaka eka xifaniso xin'wana na xin'wana. Byela munghana wa wena leswaku i xifaniso xihi lexi faneleke ku va xo sungula, xa vumbirhi, xa vunharhu na xa mune.

Tlhela u hlamusela munghana va wena xitori u tirhisa swifaniso.






2 Encenyetani xitori.




3 Xana xifaniso xa 2 xi hambana njhani na xifaniso xa 1? U kumile swilo swingani leswi hambanaka?

XIFANISO XA 1



XIFANISO XA 2



4 Tsala swivulwa swimbirhi hi xifaniso lexi nga laha henhla.



5 Hlaya swivutiso leswi landzelaka. Byela munghana wa wena tinhlamulo.

- I yini vito ra xitori lexi?
- I mani ximunhuhatwankulu?
- Jerry u vonile tibuku tihi elayiburari?

- d. Hikwalaho ka yini mulayiburari a wisile buku loko a vona Jerry?
- e. U ehleketa leswaku xitori lexi i xa ntiyiso?
- f. I swiharhi swingani leswi u swi vonaka eka pheji ra 5?  
Vula mavito ya swona.
- g. U ehleketa leswaku Jerry u titwise ku yini loko a tlheriseriwa entangeni wa swiharhi?  
Seketela nhlamulo ya wena.
- h. Hi xihi xivutiso lexi u lavaka ku vutisa mudyondzisi wa wena mayelana na xitori?



**b**

Hi yihi buku leyi u yi rhandzaka swinene?

Ebukwini ya wena ya switoloveto, dirowa xifaniso mayelana na buku leyi u yi rhandzaka swinene. Tsala 4-b wa swivulwa hi buku leyo.

